



Claudii Fleurii Abbatis Historia Ecclesiastica

Ab anno Christi 1652. usque ad annum 1662

Fleury, Claude

August. Vind. [u.a.], 1779

VD18 90119185

§. 6. Imperii comitia a Ferdinando III. Cæsare Ratisbonæ indicta.

[urn:nbn:de:hbz:466:1-67372](#)

aliisque Christianis ex Metropoli sua, sæc. XVII.
 Chadkinga nomine, indeque e continentia
 in altum mare profugere cogebatur, ut
 vitæ suæ salutique adversus tam poten-
 tes hostes prospiceret.

A.C. 1652.

Eodem hoc anno in Africa Rex Mo-
 nomotapæ unacum Conjuge sua & Fi-
 lio primogenito, opera PP. Dominica-
 norum sese Christianorum sacris addixit,
 qui in sacro fonte Dominicus appella-
 batur: Reginæ autem nomen Ludovicæ,
 & Filio nomen Michaelis placuit; qui
 etiam postremus spredo postmodum Re-
 gno, amplexus S. Dominici institutum,
 studiisque insigni cum laude absolutis
 Theologiæ Magister creatus, totum se-
 se in promovenda Cafrorum, suorum-
 que popularium conversione impendit.

§. VI.

Imperii comitia a Ferdinando III.
Cæsare Ratisbonæ indicta.

Habebatur hoc anno Francofordiæ Tuld. Hist.
temp. l. I.
 Conventus, in quo Franconici,
 Suevici, & utriusque Rhenani Circuli
 Oratores inter se convenerant, ut Hi-
 spani Francodalia die vigesima quarta
 Aprilis & Palatini Hailbruna biduo post
 excederent, & utramque civitatem pristi-
 nis suis possessoribus integre relinque-
 rent: quoniam vero Principum nonnulli

B 2

de

Sæc. XVII. de Westphalicæ pacis articulis haud in-
A. C. 1652. tegre adimpletis quererentur, Ferdi-
nandus Imperator die vigesima septima
Aprilis comitia sub finem Mensis Octo-
bris Ratisbonæ habenda indixit, quæ
tamen motis subinde obstaculis nonnisi
Mense Decembri initium sumpseret;
Interim vero Imperator, ut cum sum-
mis Germaniæ Proceribus prius com-
municato consilio de controversis ne-
gotiis deliberare posset, Pragam die
tertia Julii contendit, decretisque Le-
gatis Bavarum, Moguntinum, Trevi-
rensem, Palatinum & Saxonem Ele-
ctores eo convenire rogavit, pro sua
autem, qua eminuit, religione die de-
cima quarta Augusti publicam sole-
nemque decrevit supplicationem, cui
necnon decantatis litaniis ipse met singulari pietatis studio interfuit, ut ce-
teros omnes ad communes preces,
Deumque placandum exemplo suo in-
citaret: Pridie autem in Templo, quod
Cæsar Patribus Carmelitis Discalceatis
in nova Pragensi civitate recens suo
ære exstruxerat, præsentibus Harracho
Cardinale, totoque Clero primum po-
suit lapidem, eademque die prandium
in cœnobio eorumdem Patrum sumpsit.
Postmodum die vigesima octava Septem-
bris Palatinus, & die sexta Octobris
Moguntinus, necnon Joannes Georgius
Saxo-

Saxo die decima quarta Novembris Sæc. XVII.
& sequenti die Brandenburgicus Electo- A.C. 1652.
res Pragam venere. Aderant quoque
Hispaniæ & Daniæ Regum Oratores:
His una congregatis Moguntinus & Ca-
rolus Casparus Trevirensis Archiepi-
scopi Electoralem unionem pro more
coram Saxone Electorum seniore jura-
mento firmarunt: id quoque Brande-
burgicus in reditu Dresdæ præstiterat,
qui etiam summa contentione apud Cæ-
farem egerat, ut sibi a Christina Sue-
ciæ Regina, prius quam illa ad Imperii
fidem admitteretur, de ulteriore Pome-
rania satisficeret. Postulabat insuper,
ne Ratisbonam ad Imperii comitia Ora-
tores Regiæ vocarentur: Actum deni-
que de pacis executione, & eligendo
Romanorum Rege; cum autem hæc ne-
gotia ab Electoribus ad comitia Ratis-
bonensia rejicerentur, tres Electores
Ecclesiastici, necnon Daniæ Regis, &
Electoris Brandenburgici, Leopoldi Ar-
chiducis, Neoburgi, Wirtenbergæ, Epi-
scopi Frisingensis, & liberarum Urbium
Oratores eo contenderunt: Osnabru-
gensis vero & Paderbornensis Antisti-
tes, necnon Badensis Marchio ipsimet
aderant: His comitiis Cæsar initium
fieri voluit, indictis quadraginta hora-
rum precibus, ut Deus Optimus Impe-
rii, Cæsarisque rebus propitius esse

vel-

B 3

Sæc. XVII. vellet: nec tamen illico capita delibe-
A. C. 1652. randa proponebantur, partim quod an-
 nus jamjam ad finem vergeret, partim
 quod Brandenburgicos inter & Suecos
 adhucdum lis circa fines & Pomeraniæ
 vectigalia ferveret.

§. VII.

*Novæ Turcarum invasiones in
Hungariam.*

*Ortel. con-
tin. chron.
p. 166.
Tuld. Hist.
temp. l. I.
pag. 27.*

Quantumvis Turcæ anno priori a Ve-
 netis maritimo prælio ingentem
 cladem perpesi essent, nihilominus hoc
 anno, insuperhabita firmæ pacis pol-
 licitatione per suos Legatos Viennæ
 facta, crebris irruptionibus Hungariam
 infestarunt, ac Schemicum usque ex-
 currentes, ex suburbis multos Chri-
 stianos in diram servitutem unacum
 opima armentorum præda abstraxere.
 Prospero insuper hoc populationis suc-
 cessu animati, cum valido agmine Neo-
 solium intercipere parabant, tempe-
 stive autem Lesleus, Franciscus, Tho-
 mas, & Caspar, omnes ex generosissi-
 ma Esterhasiorum familia, selecto mi-
 lite eos adoriuntur, primoque impetu
 in fugam agunt: cum vero hi incau-
 tius, longiusque abrepti hostem infe-
 quuntur, a bis mille Turcis, qui in in-
 fidiis latebant, cincti post acre certamen

una-